



II CONCURSO DECORACIÓN NADAL CONCELLO DE VALDOVIÑO 2022

OBXECTIVO

É obxecto deste concurso estimular ao tecido empresarial así como á comunidade veciñal a decorar os seus negocios e vivendas con motivos propios das datas do Nadal, e consecuentemente a promoción e o apoio a toda empresa do concello de Valdoviño.

Con tal motivo , convócase:

Un concurso de decoración para o tecido empresarial de Valdoviño así como para particulares interesados con domicilio no CONCELLO DE VALDOVIÑO.

REQUISITOS DOS PARTICIPANTES

Poderán participar titulares de calquera empresa situada no termo municipal de Valdoviño que desenvolvan a súa actividade no mesmo, e que cumpran os requisitos establecidos legalmente para exercela.

Poderán participar persoas de calquera idade residentes no termo municipal de Valdoviño que acepten as bases da convocatoria.

MODALIDADES DE PARTICIPACIÓN

TECIDO EMPRESARIAL

Modalidade A) DECORACIÓN EXTERIOR DE LOCAIS que NON TEÑEN ESCAPARATE.

Modalidade B) DECORACIÓN EXTERIOR DE LOCAIS que TEÑEN ESCAPARATE.

Modalidade C) DECORACIÓN INTERIOR DE LOCAIS.

VECIÑANZA

Modalidade D) DECORACIÓN DE BALCÓNS, PORTAS E FIESTRAS OU PECHES EXTERIORES.

Modalidade E) DECORACIÓN DE FACHADAS.

Modalidade F) DECORACIÓN XARDÍNS.



PRAZO DE PRESENTACIÓN E SOLICITUDES

O prazo de presentación de solicitudes comezará o día 1 e rematará o día 15 de decembro.

A solicitude terá que ser presentada por unha persoa maior de 18 anos. Admitirase unha única solicitude por persoa participante.

As solicitudes para participar poderán recollerse na Casa da Cultura ou descargarse na web do concello.

Para participar, requirirase cumprimentar unha ficha de solicitude (ANEXO I)que estará a disposición dos interesados na páxina web www.concellodevaldovino.com e tamén será facilitada na Casa de Cultura.

A ficha con todos os datos cumprimentados deberá remitirse ao correo electrónico cultura@concellodevaldovino.com, poderá reenviarse a través da sede electrónica do concello ou entregarse presencialmente na Casa de Cultura nos horarios de apertura da mesma.

Soamente se admitirán solicitudes de composicións decorativas dentro dos límites do concello de Valdoviño.

Finalizado o prazo de inscrición publicarase na web a lista das empresas participantes no concurso.

As composicións deberán de estar preparadas na data de finalización do prazo de inscrición e non poderán desmontarse até despois do día de Reis . Neste período de tempo o decorado non pode variar.

O Concello de Valdoviño poderá se así o estimase oportuno, entregar a todos os participantes un distintivo que os acredita como tales e que deberán colocar nun lugar visible até o día 7 de xaneiro e que con posterioridade a esa data o propio Concello se encargará de retirar.

A partir do día 15 de decembro o xurado informará a través das súas redes sociais dos días nos que pasará a visitar ás localizacións con decoracións de Nadal concursantes nas distintas modalidades. Se a decoración non é visible desde o exterior e o xurado non pode acceder á visualización do traballo concursante, este ficará descalificado.



CRITERIOS DE VALORACIÓN

A valoración das composicións farase sobre unha puntuación total de 25 puntos tendo en conta os seguintes criterios de avaliación:

Orixinalidade da decoración. Puntuación de 1-5

Calidade artística. Puntuación de 1-5

Uso de materiais reutilizábeis ou naturais. Puntuación de 1-5

Iluminación. Puntuación de 1-5

Composición. Puntuación de 1-5

XURADO

O xurado estará formado por :

- Un concelleiro/a do Concello de Valdoviño ou persoa na que delegue.
- Unha persoa relacionada co tecido asociativo do Concello de Valdoviño ou co colectivo da comunidade educativa
- Un profesional ou persoa de recoñecida competencia relacionada co ámbito da decoración e/ou escapatismo ou no seu defecto relacionada co mundo artístico.

Un empregado público da Área de Cultura do Concello, actuará de secretario/a.

O xurado ten plena liberdade para deixar deserta algunha categoría se así o estimase oportuno así como para acumular o importe destinado a este fin a outra categoría ou á algunha mención especial. Así mesmo poderá dividir o importe total destinado a cada modalidade en dúas fraccións se así o considerase conveniente.

Calquera caso non previsto nas bases será resolto polo xurado cualificador

A decisión do xurado será inapelable.

PREMIOS

Establecense as seguintes axudas:

MODALIDADE A) vale de 100,00 euros para consumir en comercio e/ou empresa local

MODALIDADE B) vale de 100,00 euros para consumir en empresa local.

MODALIDADE C) vale de 100,00 euros para consumir en empresa local.

MODALIDADE D) vale de 100,00 euros para consumir en empresa local.

MODALIDADE E) vale de 100,00 euros para consumir en empresa local.



MODALIDADE F) vale de 100,00 euros para consumir en empresa local.

As cantidades estarán suxeitas ás retencións legais que lles foran aplicables.

A listaxe de premiados publicárase na páxina web do Concello e nas súas redes sociais

A entrega dos vales realizarase o día 30 de decembro no auditorio da Casa da Cultura nun acto que comezará ás 20:30 horas e que consistirá en entrega de premios oficial e un espectáculo teatral. É obrigatoria a presenza no acto do interesado/a ou dun representante do mesmo para recibir o premio; de non asistir decaerá o dereito a recibilo.

O vale poderá ser trocado totalmente ou en dúas fraccións no/s establecemento/s elixido/s polo beneficiario PREVIA COMUNICACIÓN do lugar escollido para o gasto nas oficinas da Casa da Cultura. O Concello poñerase en comunicación co establecemento e indicarlles tanto ao beneficiario do vale como ao establecemento como deben proceder. O beneficiario do vale disporá ata o 31 de xaneiro para comunicar onde vai facer o gasto e o establecemento comercial ata o 28 de febreiro para emitir a factura do mesmo ao Concello de Valdoviño.

PUBLICIDADE

Nas comunicacións privadas que realicen os establecementos en relación con esta iniciativa deberán incluír os logotipos oficiais do concello.

ACEPTACIÓN

A participación neste concurso supón a plena aceptación das presentes bases.

Valdoviño, 21 de novembro de 2022.

Alcalde.

Alberto González Fernández.